





3 1761 2296 2

嶽歸堂新詩

竟陵 譚元春友夏著

七言律二

坐來青軒

翠到茲山欲盡收。幾多風物自相遊。虎蹲宸翰峯峯雪。龍變王言歲歲秋。有氣泉巖如應答。無聲酒茗不沈

心。高目下須臾際。鴈掠荒雲去未休。

陳盤生處聞王永啓白下計晉書道三年衣表骨。不知何故出江南。快人興豈隨生盡。才吏貧常誓死甘。猶恨殷遙禪未入。最同張籍哭難

與君情好堪思處。與小舟高湖上菴。

過利西秦墓而弔之（同趙伯離周安期陳則梁）

來從絕域老長安。分得城西土一棺。斫地呼天心自苦。挾山超海事非難。私將禮樂攻人短。別有聰明用物


行盡松楸中國大。不教奇骨任荒寒。

懷鍾伯敬久無書至

沙急秋深意每驚。思君此際息征營。隨拈滿字皆無字。靜照前生與後生。小几開花閒日伴。高樓落木暮天

國友夏合集 卷四

MG
124.82
8



真定道上懷舊井陘使君朱無易先生

人來不易得回音。何敢然疑失素襟。常袖青城山下字。兩過恆嶽道中心。楚燕秋草車輪賤。巴蜀春江里巷深。前日相逢馬京兆。說君齋食輔幽吟。

燕歸明日伯敬同賀可上令弟居易過訪時諸弟他出

不尋溪塢欲焉爲。親愈家安莫妄思。閒徑苔痕朋聚早。候檐烟火弟還遲。福生狂士誠知載。慧在文人卽總持。作客將休留客始。寒星高柳夜相宜。

黃美中從蘄水遠過

舟隔朱陳邨復邨。數年一到易衡門。身經世事荆榛路。袖匿新文風水痕。有月隨君溪上照。看霜點我鬢邊存。自慚靈運心多雜。欲入空山但口言。

喜白門胡元振至

白門歸後四無隣。已是丘園半老身。明月不寒依好友。還鄉未定羨遊人。林塘位置煩咨補。榆柳蕭疎種畫因。僧起鴉飛君尙出。愛閒行獨覺君真。

十三夜喜雨後月還韻服膺同作

節物驚心各掩書。一門中自結相於過塘。靈雨胎佳月。出塢輕風翼敵廬。春早宵明光井竈。葉開花落息舟車。懷新不覺生餘感。香勳江南何處興。

皂市問伯敬病勸予究心楞嚴

離却荷香欲近句。陂塘祇作獨行身。扁舟甘載深情路。半榻平生苦志人。文覺王褒何句好。經逢杜衍自然親。惺惺時作資糧語。指爾衣珠念甚真。

沙市尋袁述之

微涼幾夜客懷生。氣誼無多復此行。莫爲友朋傷脆弱。（時伯敬新逝）且邀神鬼聽和平。出城草樹三秋路。過市風煙十載情。欲信別來書史好。鬢髯颯颯向江鳴。

十五夜月食張樓同朱其勤袁田祖述之宴集

友朋昆弟聚常希。自與高樓遠樹依。月不成圓天若老。秋當既半暑知歸。坐連香粉蛩私語。世滿羅羅雁靜飛。未待尊空身屢起。六街街鼓急光輝。

武陵待少司馬中丞師蔡公黔纓五首

苦僧棄婦合成身。欲狗黔荒早被噴。力盡聚沙爲塔日。心悲發笏逝梁人。將如南八肝腸少。世值朝三喜怒頻。正羨君歸君忽花。霜花霧雁不知聞。

其二

路遠蠻溪與瘴深。一棺杳杳入寒林。自傷屈子沈沙志。誰有侯生負土心。此日日惟思鑄錯。今年年在失知音。良朋先赴緋衣召。白玉樓邊幸往尋。（伯敬以六月先亡）

其三

芒屨記到酉陽時。古道秋心與我期。（公贈予詩有置身凜在古。行世淡於秋之句。）才愧來書稱畏友。情甘負笈事良師。人天慧難總兼福。存殁恩俱不數知。許大精魂風月散。集茅石女欲焉爲。

其四

日見黃流理酒漿。（謂楊翁齡先生父子）武陵溪口遲君航。漁舟約好尋仙界。馬革魂先戀鬼方。始覺詩文難斷瘡。豈知牙蘚甚投荒。予今悟矣甘無用。梁父吟多是挽章。

其五

布衣相死諾無虛。况託深知古不如。林入忘形三度約。篋開沾臆十年書。鴻飛爪在追無及。石轉江流恨有餘。我欲歸家鴉萬點。平山枉渚坐躊躇。

答郁仲開明府書問公爲弟元方房師

真成越絕絕人姿。書到常如夢見之。路愛沅湘多作客。緣慳軾轍不同師。文章力盡五丁險。旌旆光翻二酉奇。君處東風應獨早。高花弱柳孰先吹。

冬夜謝吉父招汎東湖題其水屋

野水霜天永夜凝。似將舟事待君興。薄烟歸閣惟栖磬。殘雪明簷不挂罍。子美浣花隨地有。志和家宅逐年增。遙知兩岸幽人出。應喜寒潮報一燈。

送周無畏

野人談笑當筵歌。臘後春前細馬過。來入弟兄羣自好。戲添杯斝數無多。相邀豈肯賓周黨。重晤猶聞帝謝羅。樊口西山新柳色。不同君往是蹉跎。

玉泉閒步覆舟山響水潭憶同伯敬舊遊

十年音吐落風光。叉手看山衣履蒼。智者常存依洞壑。文人消盡念隋唐。土膏漠漠融新雪。塔影蕭蕭下夕陽。咽向春禽啼不徹。行來行去水聲旁。

其二

筇孤敢羨再遊身。帶翠沾藍若夢親。乍到此中潛墮淚。移經數處始栖神。松煙鳥亦燒畬侶。樵澗僧無遇茗因。回省山邊今古士。何人不是覆舟人。

王天庚令姬人畫霜紅圖而自題詩寄予冬窗賞之寄以一詩

才人意想女娃筆。筆作新霜霜作花。愁借娟娟生客緒。喜分豔豔向天涯。臥看素壁如移屐。置近晴窗欲當家。有士亭中呼不出。却瞻嵐翠獨咨嗟。

喜袁述之過園中

古交相訪十年誠。曾啓園扉看水明。一入深林知路改。屢眠閒宇較家輕。早追南董看奇筆。遲餉東菑我拙耕。私約老年舟上下。遍從水木着拳拳。

妹婿魏木從自山中過枉

曾依几案兩年餘。筆墨酣時每乞書。自汝一歸心便懶。遭人數請手常疎。夕烟河上黃茆屋。秋雨橋邊白小魚。深愧重來猶寂寂。只將新瀋贈山居。

贈李表兄長叔參議

六旬鬢黑四旬斑。自是轍君澹與閒。頗喜常師黃叔度。不須親見白香山。官宜水部梅花裏。身在沙門貝葉間。更欲摳衣重下拜。日從歌笑學朱顏。

友人送雙鶴置之窗間喜題數句

鳴躍同增物外緣。不妨君與我周旋。分餐似客朝收釣。假寐如僧夜立禪。霜滿姑安閒戶內。月明徐熟慢塘邊。新來剪羽慚相待。何處深林非遠天。

中丞姚公直指溫公垂唁感賦（予是年出二公門下）

落落斯情亦古如。高官孰肯問廬居。胡床與老庚公月。茆屋緣深嚴武書。豈有新歌逢雪後。漸多芳草及春初。知音散盡邕琴破。投向人間好愧予。（謂蔡司馬亡後）

沈滄洲攜五郎過訪並示令弟炎洲給諫書問

僻村齋舫載書車喜我園林即是家。雖鳳領來千竹裏。鵲鴿音到兩湖涯。作官兼隱忘冠佩。待客同僧設茗瓜。可記騎驢京國日。對彈薰調不爭差。

傳陵九郡伯入覲單騎歸省秋復還鄂攜家莅湖南觀察任

燕霜蜀霧歷將周。始見高牙赴永州。路爲君親行萬里。署封兒女到三秋。浯溪頌好雲邊石。鉛鋸緣深郭外丘。頗有文如元與柳。前賢謫處是佳遊。

移航至河同劉濟甫僧開子寒碧弟遠韻擬同月泛

夏塘生厭又遷舟。望望河光若有投。蓬底坐僧全幅畫。篙邊訪弟數家幽。野香吹岸茶初濕。林月涼灘釣未收。愛製漁歌歌外志。和終老宅常浮。

寄陳湘潭房師

情耽望岳又浮湘。師在其間欲裹糧。昨歲剛逢歐永叔。往時多似孟襄陽。論文自與人天對。相士無如器識長。學道讀書俱可報。邇來幽夢亦彷徨。

廬居悲感送六弟服膺入鄂應左伯閔公館聘

數載冰淵事病親。最驚無繫出門身。亦知車馬江干有。餘得詩書汨跡新。靜暑茶香思母嗜。高文墨飽笑兄醺。燈窗可羨荆花照。散去常愁貴與貧。

園居贈胡用涉

別家惟喜近朋儔。偶晤常如日日留。恥用奇懷雕字句。時分健氣錯觥籌。野蒲塘上予敷坐。好月門前汝泊舟。既有歸心因母動。此時真可罷閒遊。

閱左伯紐弦中秋初度予與舍弟元禮飲署中因贈

高文古質出蒼川數載江蘼岸柳綠玉笛清秋吹夜夜金樽好月照年年教嚴鵲驚家前輩心切變龍世大賢短短池塘兄弟草映茲松柏與蒼顏

王青嵐構山齋中同公占看殘雪

雪在構峯照郢明與君高踏萬家晴煙飛日落歌喉薄屋白山青醉眼爭帝里餘寒冰寢廟客檐新霽雨柴荆惠連一賦無他好堪減胸中慮與營（謝雪賦云縱心皎然何慮何營）

悼同年孫爾穀

郢門從此倦徘徊最法園扉日日開剛與嘉賓同鄂渚忍教名父獨燕臺（爾穀尊公伯御亦上春官）硯邊看我書爭坐燭下催君喚夜來交好早知如此盡但當常醉不思回

送沈滄洲令涪川

君才豈但有鳴琴所羨常經聖主心栗卜當時兄問弟鳥飛佳事古猶今含巾吐柘三年熟別瀝離灑兩地深漸欲隨齋鉛槧往濠邊好爲聽車音

金正希學道人也新官庶常貽書相迪舟過其家仲氏招飲因寫寄燕中

六溪春水漲江潭始見君家溪邊門久爲茹蔬斷善友翻因許飲愛諸昆上乘根利兼官作中祕書多念職存莫向人間談勇退好將君父佛同恩

湘潭謁陳蘭然房師

乘春襖被向師尋百丈牽江草未深花地曷天迎破笈米船漁網送孤吟才輸屈賈遭明眼游入瀟湘理夙心卻念古賢奇絕處白頭羈旅少知音

別栗仲芳諸子

遊集常添好友情。玉州風日自幽清。春山碧處頻登閣。晚燭紅時尙啓城。樂餌相將停過客。吟披不輟念平生。此中亦覺離多緒。愁負家園老去鶯。

七言排律

甲子除夕和伯敬歲暮感懷之作因示弟輩

河上冬晴欲當春。一聞春至卽良辰。土臯微動猶思雪。京洛初歸始畏塵。入野班荆驅蹇便。代僧植磬閉門真。從昆弟飲勤相勸。熟老莊書曠有因。閱盡風濤舟易穩。望知阻險步先勻。長安奔散全拋子。豪傑江寬暗揣綸。雨急忽迷南北路。沙明轉愛鷺鷥身。行藏帶黠安流俗。禮數多慵睦婣聚。日追離驚忽忽衰。時得白誘循循梅。開此夕寒千里鏡。到明朝見四句還。我鷺花成歲月聽。他村犬靜昏晨生。平遊止防中徙。豫致音書告故人。

乙丑歲除夕感蔡敬夫鍾伯敬二公之亡賦十二韻示弟

枉渚歸興聲自吞。如因歲序動愁根。溪山頗好嗟空返。師友新亡愧獨存。夙具道情俱未退。近聞疆事總難言。嶂嶂鏖臂傷君辱。謂敬夫。寂寂栖心想佛恩。謂伯敬。雪月佳時私短氣。笑談叢裏暗驚魂。身強叔寶終歸幻。眼怨嗣宗可耐喧。憔悴先從文字始。凋零益向友于敦。俱貧豈得分南阮。常定真宜學北昏。已過四旬休照鏡。能安百畝勝求園。營生首辦新芒屨。謀醉多交老瓦盆。施烏僧還猶淨域。捕魚人到卽仙源。高懷日日偷愁換。漸有春風吹竹門。

丁卯除夕同諸弟及妹倩魏繩老僧眞公守歲先慈瑩上十二韻

鼎湖秋動萬方哀。適有人間苦痛催。下土照知冰蘖性。先君最就柏舟才。天乎何罪今除夕。母也多愁此夜臺。年長不堪經節序。親亡誰忍具尊罍。雙麟臥處吾家宅。數雁聲中客酒杯。未肯離羣佳壻事。疑從熟劫法僧來。

夜晴燒燭扶衰草。山靜拈香祭野梅。蕉剝層層傷舊本。珠明粒粒想初胎。豈無檄在嗟毛子。縱有衣歸非老萊。空占聲華徒積淚。隨遭寵辱盡如埃。布金爲地酬龍虎。予建坊金閣供大士。策杖如雲息蹇駘。亦覺東風村鼓內。無正可賀墓門開。

湘潭贈李宗伯八韻

恥從文字問傳燈。本爲深心欲仰承。杖屨豈宜忘海嶽。門牆亦自有高曾。先生與予座師淵源甚遠。坐穿木榻迎千卷。忽悟花前廢二楞。管樂合來方似葛。春秋大處莫如澠。人皆事後思王旦。我是緣多見李膺。出世栖神俱夙命。救時蒿目但晨興。晴塘雨寺徘徊久。湘草山花領悟曾。何用更探黃石祕。至人奇絕是淵冰。

壽陳松石先生

蒼然石骨吾當拜。高作松鱗老自看。黃髮司農尊在品。白雲宰相重非官。挑燈喜話先朝事。杖策常尋野父歡。萬石一經家訓遠。渚茶汀草道心寬。香山仕久餘三泰。向秀情空脫五難。牛李成風俱不染。禪玄異派只參觀。眞將末法歸龍象。始信深林嘯鳳鸞。君自出塵塵便隔。王喬更欲進何丸。

嶽歸堂合集卷之四終

譚友夏合集 卷四